

FRANCISCUS Tituli sancti Angeli
 in foro Piscium Sacræ Romanæ Ecclesiæ
 Diaconus Cardinalis Barberinus Venerabi-
 lis Archiconfraternitatis sanctissimi Sacra-
 menti super Minervam de urbe Protector &
 Andreas Justinianus Proto-Notarius Aposto-
 licus ex numero participantium , Mar-
 chio Pompejus Mutus , ac Abbas Fabri-
 tius ex Comitibus Guidis à Balneo
 Administratores.

D'lectis Confratribus confraternitatis
 sanctissimi Corporis Christi olim
 erectæ in Parochiali seu aliâ Ecclesiâ
 oppidi Lechnich Colonienfis Diœcesis ab-
 inde verò in Erpt & Vetwies translatae salu-
 tem in Domino sempiternam , Nos qui
 juxta officii nostri debitum fidelium salu-
 tem , & pietatis ac religionis progressum
 procurare debemus , libenter nostræ Archi-
 Confraternitati aliàs ejusdem instituti Con-
 fratres adjungimus , & aggregamus , illisque
 sic aggregatis indulgentias , facultates , ali-
 asque spirituales gratias & indulta juxta fa-
 cultatem Apostolicam Nobis à Summis Pon-
 tificibus concessam impartimur ; quâ de re
 cum Illustrissimus Dominus Ernestus Zig-
 lerius aggregationem hujusmodi , & indul-
 gen.

gentiarum communicationem enixè postu-
 laverit , Nos Protector & Administrato-
 res prædicti totam ipsam Archiconfraterni-
 tatem repræsentantes his nostris literis solo
 Dei amore , & pietatis ac Religionis au-
 gendæ Zelo ducti confraternitatem prædic-
 tam nostræ Archiconfraternitati adjungimus
 & aggregamus , etiam si similis gratia prius
 alteri confraternitati in dicto loco concessa
 fuerit , non obstante constitutione felicis-
 simæ recordationis Clementis PP. VII.
 Prohibente pluralitatem confraternitatùm
 ejusdem nominis & instituti in eodem loco ;
 quæ constitutio locum non habet in confrat-
 ernitatibus sanctissimi Sacramenti , quæ
 deberent esse in quâlibet Parochiâ , ut de-
 claravit sacra Congregatio Episcoporum , &
 Regularium in una Papiense 30. Augusti
 1538. & in aliâ Vercellente 3. Februarii 1610.
 prout in hâc almâ urbe in quâlibet Parochiali
 Ecclesiâ confraternitas sanctissimi Sacra-
 menti de ordine felicissimæ recordationis
 Innocentii PP. XII. laudabiliter erecta re-
 peritur , primodictæque illiusque Confrat-
 ribus , & Confororibus indulgentias , &
 spirituales gratias infra singillatim descriptas
 nostræ Archiconfraternitati literis Pontifi-
 ciiis nominatim , expressè , & præcisè con-
 cessas elargimur , & communicamus, qua-
 rum

rum tenor de verbo ad verbum sequitur ,
 & est talis ; *à tergo*. Dilectis filiis Administra-
 toribus & Confratribus Archiconfraterni-
 tatis sanctissimi Corporis Christi in Eccle-
 sia Beatæ Mariæ super Minervam de urbe
 Ordinis fratrum Prædicatorum canonicè in-
 stitutæ , *intus verò* Paulus P. P. V. dilecti
 filii salutem & Apostolicam Benedictionem ;
 cum certas unicuique Archiconfraternitati
 indulgentias , & gratias spirituales , quibus
 de cætero fruantur , duxerimus præscri-
 bendas ; idcirco omnes & singulas indul-
 gentias , & peccatorum remissiones ac pœ-
 nitentiarum relaxationes vestræ Archicon-
 fraternitati & illius Confratribus & Conso-
 rioribus hætenus per quoscunque Romanos
 Pontifices Prædecessores Nostros concessas
 revocantes & annullantes , ac nullius robo-
 ris , & momenti esse declarantes , de om-
 nipotentis Dei misericordiâ , ac Beatorum
 Petri & Pauli Apostolorum ejus autoritate
 confisi , omnibus utriusque sexûs Christi
 fidelibus , qui dictam Archiconfraterni-
 tatem de cætero ingredientur , die primo
 eorum ingressus , si verè pœnitentes , & con-
 fessi sanctissimum Eucharistiæ Sacramentum
 sumpserint , plenariam , ac tam ipsis pro
 tempore describendis , quàm jam descriptis
 in dictâ Archiconfraternitate Confratribus

& Confororibus etiam verè pœnitentibus
& confessis ac sacrâ Communionem refectis ,
qui processioni per dictos Confratres in die
oetavâ Corporis Christi singulis annis fieri
solitæ devotè interfuerint , dictumque sanc-
tissimum Sacramentum associaverint , &
ibi pro Christianorum Principum Concor-
diâ , hæresum extirpatione , ac sanctæ
Matris Ecclesiæ exaltatione pias ad Deum
preces estuderint , etiam plenariam, Nec
non etiam iis Confratribus & Confororibus ,
qui dictæ Processioni cum de ordine dictæ
Archiconfraternitatis juxta illius constitu-
tiones impediti sint similiter pœnitentes , &
confessi minimè interfuerint , ac sanctissi-
mum Eucharistiæ Sacramentum sumpserint ,
& ut præmittitur, oraverint, etiam plenariam.

In mortis quoque articulo omnibus utri-
usque sexus Christi fidelibus dictæ Archi-
Confraternitati adscriptis , qui pœnitentes
& confessi , ac sanctissimâ Communionem
refecti , nomen JESU ore , si potuerint ,
sin autem corde devotè invocaverint , ple-
nariam similiter omnium peccatorum suo-
rum indulgentiam & remissionem miseri-
corditer in Domino concedimus ? præte-
rea iisdem Confratribus verè pœnitentibus ,
& confessis , qui sanctissimum Eucharistiæ
Sacramentum in die festo ejusdem sanc-
tissimi

tissimi Sacramenti lumplentur , & ut præmittitur oraverint , septem annos & totidem quadragenas ; qui verò officiis divinis ac Processionibus dictæ Archi-Confraternitatis interfuerint centum dies , & qui sextâ feriâ cujuslibet hebdomadæ Ecclesiam Beatæ Mariæ supra Minervam de Urbe Ordinis Fratrum P.ædicatorum devotè visitaverint , & ibi , ut præmittitur , oraverint , similiter centum dies. Ac eisdem Confratribus & Confororibus , qui pœnitentes , & confessi , ac sacrâ Communione refecti , Processioni in quâlibet tertiâ dominica Mensis , & feriâ quintâ in cœna Domini fieri solitæ interfuerint , & ut præmittitur oraverint , septem annos & totidem quadragenas , & iis Christi fidelibus utriusque sexus in dicta Archi Confraternitate non descriptis eidem Processioni interessentibus 200. dies , nec non etiam eisdem Confratribus & Confororibus , qui saltem contriti , & confessi in dicta feria quinta in cœna Domini dictum sanctissimum Sacramentum processionaliter comitati fuerint , 100. dies. Qui verò dictum sanctissimum Sacramentum tam ad infirmos quàm alias ubicunque & quomodocunque pro tempore deferetur cum lumine , vel sine lumine comitati fuerint , septem annos & totidem

quadragenas , ac Parochis , & omnibus Christi fidelibus utriusque sexus , qui prædictum sanctissimum Sacramentum cum lumine vel sine lumine pariter comitati fuerint , quinque annos & totidem quadragenas , & iis impeditis semel orationem Dominicam & Salutationem Angelicam recitando & ut præmittitur , orando , centum dies. Insuper Mulieribus , quæ justa de causa prædictum sanctissimum Sacramentum non comitatae fuerint semel orationem Dominicam & salutationem Angelicam recitando , & ut præscribitur pro infirmo pijs ad Deum preces fundendo similiter centum dies. ac prædictis confratribus & consororibus qui locum , ubi sanctissimum Sacramentum asservatur in feria quinta in cœna Domini visitaverint , & ut præmissum est , oraverint , similiter centum dies , de iunctis eis seu aliàs quomodolibet debitis pœnitentijs in forma Ecclesiæ consueta relaxamus ; & ulterius vobis ac vestræ Archi-Confraternitati ut confratres aggregare , illisque omnes supradictas indulgentias (servatâ tamen formâ tradita in constitutione felicissimæ recordationis Clementis PP. VIII. prædecessoris nostri super diversarum confraternitatum aggregationibus editâ) communicare liberè & licitè possitis , &

valeatis autoritate apostolica tenore præ-
sentium facultatem concedimus & imperti-
mur ; non obstantibus constitutionibus &
ordinationibus apostolicis cæterisque con-
trariis quibuscunque ; præsentibus perpetuis
futuris temporibus valituris? datum Romæ
apud S. Petrum sub annulo Piscatoris die
3tia Novembris 1606. Pontificatus Nostri
anno secundo ; notumque facimus plena-
riam indulgentiam à prædicto Paulo V.
Summo Pontifice in dicto brevi pro die
octava Corporis Christi concessam à felic.
rec. Innocentio PP. XII. pro die veneris
festum ejusdem sanctissimi Corporis Christi
immediatè sequenti fuisse translata, prout
in ejusdem Innocentii literis in simili forma
brevis sub annulo Piscatoris die 27. 9bris
1694. expeditis continetur ; insuper læli-
cissimæ recordationis PP. X. concessit
confratribus & consororibus confraternita-
tum sanctissimi Corporis Christi associan-
tibus cadavera Christi fidelium defunctorum
indulgentiam centum dierum pro qualibet
vice , prout in ejus literis in simili forma
Brevis apud sanctam Mariam Majorem sub
annulo Piscatoris die 24. Januarii 1673.
pariter continetur ; quibus omnibus indul-
gentiis & spiritualibus gratiis supra singilla-
tim descriptis primodicta confraternitas ,
ejusque

ejusque confratres uti , potiri , & gaudere possint , juxta præactam constitutionem Clementis P. P. VIII. cujus tenor in decretis principalibus , & in nostræ Archiconfraternitatis aggregationibus apponi solitus sequitur , & est talis ; Clemens P. P. octavus ad perpetuam rei memoriam ; quæcumque à Sede Apostolica ad promovendam Christi fidelium salutem aliquando concessæ sunt , & si ea maturo consilio , magnâque prudentiâ & cautione sancita , & decreta sint , tamen cum Romanus Pontifex de animarum salute sollicitus , progressu temporis animadvertit sensim aliquos abusus in eisdem Statutis , & Decretis observandis prævenire debet pro sui Pastoralis officii munere illis opportunâ ratione occurrere , & quantum cum Domino potest adhibito salutarî remedio providere , huic verò confraternitati , & congregationi erigendæ , instituendæ , seu aggregandæ , ea tantum privilegia , indulgentias , facultates , aliasque spirituales gratias , & indulta , quæ ipsi ordini , Religioni , instituto erigenti instituenti ac communicanti , seu Archiconfraternitati & congregationi aggreganti nominatim , & in specie , non autem quæ per extensionem vel communicationem sibi quovis modo concessa sunt , & illa quidem

non

non sub generali forma verborum vel ad instar , sed expresse , & in specie communicare valeant, Statuta autem pro regimine ordinum , Religionum , & institutorum erigentium , & instituentium , ac communicantium , seu Archiconfraternitatum & congregationum aggregantium edita confraternitatibus & congregationibus erigendis , instituendis , & aggregandis , & quibus communicationes privilegiorum & aliorum prædictorum sunt impertiri non possint , nisi ea prius ab Episcopo diocesano examinata & pro ratione loci approbata fuerint , quæ nihilominus ejusdem Episcopi decretis , ac moderationi , & correctioni in omnibus semper subiecta remaneant. Quibus etiam Ministris , Officialibus , & aliis prædictis Elemosynas , & alia oblata christianæ charitatis subsidia juxta modum , & formam per ordinarium loci præscribendam , remotis tamen Mensis , Pelvibus , & capsis , quæ in Ecclesiis & Oratoriis dictarum confraternitatum , & congregationum publicè ad hoc exponi consueverunt , excipiendi potestas detur , atque hoc ipsum Ordines , Religiones , instituta erigentia , instituentia ac communicantia , seu Archiconfraternitates , & congregationes aggregantes tam Almæ Urbis nostræ , quam aliarum
civi-

civitatum , & locorum quorumcunque juxtà modum à Vicario Urbis , & ab ordinariis locorum respectivè præscribendum observare teneantur ; Elemosynas autem sic collectas in reparationem & ornatum Ecclesiarum tam Ordinum Religionum , institutorum erigentium , instituentium , & communicantium , ac Archiconfraternitatum & congregationum aggregantium , quam constitutionum & congregationum erigendarum , instituendarum , & aggregandarum , & quibus communicationes fient , aut in alios earum pios usus arbitrio ejusdem Vicarii nostri in urbe , nec non ordinariorum locorum respectivè fideliter exponere atque erogare procurent , ut omnes intelligant cœlestes Ecclesiæ Thesaurus , non quæ sui aut alicujus lucri causa , sed pietatis , ac charitatis excitandæ gratiâ , ex Apostolicæ Sedis benignitate Christi fidelibus aperiri. *Demum* statuimus , & pariter ordinamus , ut confraternitates & congregationes ubivis locorum quâvis autoritate , ut præmittitur erectæ & institutæ , & quibus communicationes prædictæ factæ sunt , ac cuicumque ex dictis ordinibus , Religionibus , institutis , Archiconfraternitatibus , & congregationibus ubilibet existentibus hætenus aggregatæ , ab iisdem respectivè

pectivè Ordinibus , Religionibus , institutis , Archiconfraternitatibus & congregationibus novas erectionum institutionum , communicationum , & aggregationum literas juxta formam à Nobis novissimè approbatam infra annum , si in Europa sint , & si extra Europam fuerint , infra biennium à die publicationis præsentium in Romanâ Curiâ faciendæ computandos impetrare teneantur , alioquin dicto tempore elapso erectiones , institutiones , & quæcunque communicationes Privilegiorum , facultatum , indulgentiarum , aliarumque spiritualium gratiarum , & indultorum , & aggregationes illarum vigore ipsis concessæ nullius sint roboris & momenti , ac revocatæ & abolitæ censeantur eo ipso. Decernentes præsentis literas perpetuò validas & efficaces existere , & fore , ac ab omnibus & singulis , ad quos spectat , inviolabiliter observari debere , sicque nostræ mentis & intentionis existere , & ita , & non aliter , per quoscunque judices , ordinarios , & delegatos , etiam causarum Palatii Apostolici Auditores , ac Sacræ Romanæ Ecclesiæ Cardinales etiam de latere legatos sublata eis , & eorum cuilibet quavis aliter judicandi & interpretandi facultate & auctoritate judicari & definiri debere ,

46 Bruderschaffts-Regulen
ac irritum & inane quidquid secùs super
his à quoquam quâvis autoritate scienter
vel ignoranter contigerit attentari ; non
obstantibus quibusvis Constitutionibus ,
& ordinationibus apostolicis , ac quorum-
cunque Ordinum , Religionum , & insti-
tutorum , seu Archiconfraternitatum , con-
gregationum & confraternitatum sæcula-
rium etiam juramento , confirmatione
apostolicâ , vel quâvis firmitate aliâ robo-
ratis statutis , & consuetudinibus privilegiis
quoque indultis , & literis apostolicis ,
etiam Mæte magnum , ac bulla aurea nun-
cupatis Regularibus Ordinibus , Religio-
nibus institutis , seu Archiconfraternitati-
bus , congregationibus , & confraterni-
tatibus secularium , earumque superiori-
bus , & aliis quibusvis personis cujuscunque
statûs , gradûs , ordinis , conditionis ,
dignitatis & præminentix existentibus ,
sub quibuscunque verborum formâ & teno-
ribus , ac derogatoriarum derogatoriis ,
aliisque efficacioribus , & intolitis clausu-
lis , nec non irritantibus , & aliis decretis
in genere , & in specie etiam motu proprio
& consistorialiter , & aliâs quomodolibet
in commodum præmissorum etiam pluries
concessis , approbatis , & innovatis , qui-
bus omnibus & singulis etiam si pro illorum
suffi-

sufficienti derogatione de illis , eorumque totis tenoribus specialis , specifica , expressa , & individua , non autem per clausulas generales idem importantes mentio , seu quævis alia expressio habenda , aut aliqua alia exquisita forma , ad hoc servanda foret illorum tenores , ac si ad verbum exprimerentur , & insererentur præsentibus pro plenè , & sufficienter expressis ; & insertis habentes , illis aliàs in suo robore permanens hac vice duntaxat harum serie specialiter & expressè derogamus , cæterisque contrariis quibuscunque. Datum Romæ apud sanctum Petrum sub annulo Piscatoris die 7. Xbris 1604. Pontificatûs Nostri anno 13. volentes & decernentes his nostris literis eandem fidem adhibendam esse , quæ præinsertis literis originalibus adhiberetur , si forent exhibitæ vel ostensæ , in quorum omnium & singulorum fidem , & testimonium has nostras literas exinde fieri , & per nostræ Archiconfraternitatis Secretarium subscribi , & publicari mandavimus , ac sigillorum ipsius Protectoris , & Archiconfraternitatis iussimus , & fecimus appensioni muniri ; datum Romæ in loco solito nostræ congregationis anno â Nativitate Domini Nostri Jesu Christi 1710. die

die vero 4^{ta} Mensis Aprilis , Pontificatûs
autem sanctissimi in Christo Patris , & Do-
mini Nostri Domini Clementis divinâ pro-
videntiâ PP. XI. Anno ejus X.

(L.S.) Cardinalis Franciscus Bar-
berinus Protector

Pompejus Mutus Papazzuris
Administrator

Fabritius ex Comitibus Guidis à Balneo
Administrator.

Thomas Sportellus Secretarius.

Publicentur suprascriptæ aggregationes confraternitatis sacratissimi Rosarii aliâs in Parochiali Ecclesiâ oppidi Lechniacensis erectæ, inde verò in Erpt translata, nec non communicationis indulgentiarum spiritualium gratiarum eidem confraternitati, ab Archifraternitate ejusdem Sacratissimi Rosarii supra Minervam in urbe factæ, reservatâ tamen Serenissimo & Reverendissimo Principi Archi-Episcopo & Electori Colonienfi, seu ejus Vicario Generali approbatione seu reformatione statutorum aut regularum & legum pro Directione & regimine illius conditarum aut condendarum aliisque supra insertis clausulis & conditionibus per omnia salvis. Signatum Coloniae die undecimâ Aprilis 1722.

J. A. de Reux V G. mp.

De Mandato Reverendissimi Domini Vicarii Gener Henr Jansen Proto-Notarius
in Spiritualibus mpria Zus